

পশ্চিমবঙ্গ কলেজ ও বিশ্ববিদ্যালয় শিক্ষক সমিতি

৮৯, মহাত্মা গান্ধী রোড, কলিকাতা- ৭০০ ০০৭

ফোন নম্বর : ২২৪১-২০৬০, ২২১৯-৮৯৩০, ওয়েবসাইট : www.wbcuta.org

সার্কুলার- ৩/২০১৭

তারিখ : ৩০-১২-২০১৬

কনভেনশন প্রাইমারী ইউনিট, ওয়েবকুটা/ জেলা সম্পাদক

কলেজ/বিশ্ববিদ্যালয়

জরুরী সার্কুলার

প্রিয় সার্থী,

আগামী ৭ জানুয়ারি ২০১৬, রাজ্য সরকারের শিক্ষা দপ্তর আয়োজিত ‘শিক্ষক কনভেনশন’ সম্পর্কে কিছু বিষয় আপনাদের অবহিত করা প্রয়োজন বলে মনে করছি।

গত ২০ ডিসেম্বরের সার্কুলারে আমরা জানিয়েছিলাম ঐ কনভেনশনে যাওয়া এবং আমাদের মতামত জানানোর জন্য কর্মসমিতি সর্বসম্মত সিদ্ধান্ত নিয়েছে। তদনুযায়ী আপনাদের প্রয়োজনীয় উদ্যোগ নিতে অনুরোধ করেছিলাম।

এই প্রসঙ্গে রাজ্য সরকারের যে চিঠি আমরা পেয়েছিলাম তাতে পরিস্কার লেখা ছিল, ‘ **The Convention will provide a platform for deliberation before the State's education system and possible strategies to actualize the common goal of establishing West Bengal as a Higher Education Hub**’। এই চিঠির বয়ানের সঙ্গে সঙ্গতি রেখে আমরা সমিতির বক্তব্য **Memorandum** আকারে প্রস্তুত করছিলাম যা ঐদিন বক্তব্য পেশ করবার পর মাননীয় মুখ্যমন্ত্রীর হাতে তুলে দেওয়ার সিদ্ধান্ত গ্রহণ করেছিলাম।

কিন্তু গতকাল মাননীয় শিক্ষামন্ত্রীর কাছ থেকে আমরা জানতে পেরেছি ঐদিন অর্থাৎ ৭ জানুয়ারি কনভেনশনে আমরা অধ্যাপক সমিতি কোন বক্তব্য রাখা বা মুখ্যমন্ত্রীর হাতে স্মারকলিপি দেওয়ার সুযোগ পাব না। এমতাবস্থায় আমরা খানিকটা হতাশ হয়ে আমাদের পূর্বকার গৃহীত সিদ্ধান্ত পুনর্বিবেচনার জন্য আগামী ৫ জানুয়ারি ২০১৭ কর্মসমিতির জরুরী সভা ডেকেছি। আপনাদের কাছে অনুরোধ সমিতি এই বিষয়ে চূড়ান্ত সিদ্ধান্ত না নেওয়া পর্যন্ত আপনারা ঐদিনের কনভেনশনে যাওয়ার সিদ্ধান্ত নেওয়া থেকে বিরত থাকবেন। অযথা ভয় পাওয়ার কোন কারণ নেই। আমাদের **Service Rule** অনুযায়ী এধরনের কোন অনুষ্ঠানে যাওয়া আদৌ বাধ্যতামূলক নয়। সরকারি সার্কুলারেও এমন কোন উল্লেখ নেই। এতদসত্ত্বেও কোন সহকর্মী বন্ধু যদি ঐ কনভেনশনে না যাওয়ার কারণে সরকারি ভাবে হয়রাণির শিকার হ’ন তাহলে সমিতি সর্বতোভাবে তার পাশে থাকবে। ইতিমধ্যে কিছু অধ্যক্ষ অতি সক্রিয় হয়ে আপনাদের ওপর মানসিক চাপ সৃষ্টি করার চেষ্টা করছেন বলে জানতে পেরেছি। আপনারা এধরনের কোন প্ররোচনার ফাঁদে পা না দিয়ে অপেক্ষা করুন।

৯০ বছর অতিক্রান্ত এই সমিতির ঐতিহ্যকে মাথায় রেখে আমরা অতি দ্রুত ৫ তারিখের কর্মসমিতিতে গৃহীত সিদ্ধান্ত আপনাদের ওয়েবসাইট ও সংবাদমাধ্যমের সাহায্যে জানানোর চেষ্টা করব।

অভিনন্দন সহ

ঐতিহ্য প্রহরাজ

(ঐতিহ্য প্রহরাজ)

সাধারণ সম্পাদক